

inde fuit iis pietatis doctrinaeque fundamentis & initiis, quae insolubili nexu altiora post se traherent. Profecit quoque is, pro capacitate Ingenii non infelicis, adeo feliciter, tam in primis salutaris doctrinae capitibus, quam in Lingvarum, Graecae & Latinae rudimentis, ut, quod rarum est, decimum tertium vitae annum agens, Anno nimirum 1675. illustri Scholae Misnenfi concrederetur, & in eadem per biennium eò felicissimè perveniret, ut ad Studia Academica non absq; spe egregiorum fructuum mitti posset. Et quanquam haec omnia à Deo sint, non tamen ingratus Praeceptorum suorum in se merita deprædicare cesfat, aut imposterum cessabit. Atq; ex iis quidem nemini majores aestimat à se deberi gratias, quam Viro variarum laudum celebritate insigni, JOHANNI GEORGIO WILCKIO, Juvenum Formatori in illustri Misena dexterrimo & primario. Ab eò enim se accepisse gloriatur, quicquid in Latinis, & Graecis, historiarum quoq; artis oratoriae Poëticaeque; nec non morum notitia possidet. Neq; tamen minora sunt, quae à Doctoribus Academicis largâ manu hausit. Postquam enim WITTEMBERGAM sibi nostram elegit, ubi studia, alibi feliciter caepa, feliciter continuaret perficeretq; placuit ipsi, maximae Celebritatis Viro, Professoriq; nostrarum Athenarum famigeratissimo, BALTHASARI STOLBERGIO, se adjungere, ut, cui antea Affinitatis vinculo junctus erat, contubernio & convictu quoq; jungeretur. Nec spe sua falsus fuit. Stolbergius enim paternò eundem amore complexus, & liberum ei insignis Bibliothecae usum liberaliter concessit, & rarioribus eum eruditionis flosculis ita ornavit, ut feliciorum se aliis eò in genere noster aestimaret. Sed & usus est aliorum Informa-

tione,

B

31950